



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

162 [i. e. 126] Constitutio Pij Quinti super revocatione Indulgentiarum
facultatem quaestuandi continentium.

urn:nbn:de:hbz:466:1-10316

ijdem regulares etiam nullo cum Ordinaris verbo facto, publicare, ut in decis. super eodem capit. 9. quæ incipit Indulgentias.

120 † Revocata enim sunt omnes indulgentiæ concessæ pro porrigentibus manus adiutrices, concil. Tridentin. in decret. de Indulg. sess. 25. & Pius V. in constit. 123 de qua in Bullar. Rom. capit. 30. sub §. nos qui Deo.

121 Quia † non conceduntur indulgentiæ pro pecuniis extorquendis, sed, ut fideles in pijs operibus Christi exerceantur, & ut aliorum liberalitate miserorum inopiæ succurreretur, Cardin. Bellarm. de Indulg. lib. 2. c. 9. §. 4. tom. 3.

Hinc illud resolvitur, quo quæritur, an habentes facultatem aggregandi, seu uniendo confraternitates in dictis civitatibus, & oppidis, (dummodo oppida, seu castra, in quibus huiusmodi aggregationes, seu erectiones fieri continget, spacio duorum, vel trium millium passuum distent) si forte fiant in his locis præcipue, in quibus nulla adsint monasteria ejusdem Ordinis aggregantis, possint loco illius elemosynæ, quæ ab incolis oppidi, seu castri, cui aggregatio non conceditur, & quandoque à pijs devotisque viris illuc devotionis causa confluentibus monasterio offerri contingeret, uti matriæ ecclesiæ, aliquid singulis annis in signum recognitionis exigere, & de pecunia, vel alia re huiusmodi eidem matriæ annis singulis ab aggregatis offerenda in erectione, seu aggregatione pacisci, & videtur affirmativè respondendum.

122 Quia matriæ † ecclesiæ per inferiores, & ab ea dependentes aliquid offerre, non solum non est prohibitum, quinimò est de

jure concessum, & cap. venerabili ubi etiam gloss. & Abb. d. verb. signif. Tamen ab ecclesiis matriæ, ut sunt metropolitanae cathedrales, Baptismales, & alia similes ad aggregationes confraternitatum, seu erectiones capellaniarum pro Indulg. consequendis, non benè inferitur, quia Pius † Papa V. omnes indulgentias pro porrigentibus manus adiutrices, & continentas, quomodolibet facultatem quæstuandi concessas, revocavit, ut infr. Conceduntur enim à Sede Apostolica † facultates aggregandi, & indulgentiæ huiusmodi gratis, & gratis illas accipientes, gratis dare debent, Matth. c. 10. & cap. quicquid 1. qu. 1. Gratia enim Dei non venditur, sed donatur, S. Joann. Chrysost. in Marc. Homil. 13.

125 Non enim hi celestes † Ecclesiæ thesauri ad quæstum, sed ad pietatem exercendam conceduntur, concil. Trident. in c. 9. de reform. sess. 21. & Card. Bellarm. de Indulg. lib. 2. c. 9. §. 4. tom. 3. Unde idem Pius V. quamplurimis querelis ex diversis mundi partibus ad ejus auditum perlati, quod vigore diversarum indulgentiarum alias concessarum, plures abusus irrepererint in præjudicium animarum, ad illos eradicandos, motu proprio suam perpetuè valituram edidit constitutionem tenoris infrascripti:

126 Pius † Episcopus servus servorum Dei, ad perpetuam rei memoriam.

Et si Dominici gregis salutem semper intenti, singulis cum humilitate poscentibus ea benigne concedere nos, & prædecessores nostri studuerunt, per quæ peccatorum mole deposita, salus ipsis succedat, & hostis humani generis servitute ereptas animas lucrifaciant. Altissimo, qui eas nobis

¶ h h h sua

sua bonitate commisit; id tamen perpen-
 sori studio nos præcavendum esse cen-
 semus, ne cujusvis indulgentiæ remissionis,
 vel facultatis obtentu Christiani fideles pro-
 cliviores ad illicita in posterum commit-
 tenda reddantur, aut facilitas veniæ eis pec-
 candi tribuat incentivum, & exinde clavi-
 um auctoritas deducatur in contemptum,
 & Christi fideles quamplurimum scanda-
 lizentur. Sanè, cum ad auditum nostrum
 ex diversis mundi partibus quamplurimæ
 querelæ perlatae fuerint, quod vigore di-
 versarum indulgentiarum, & facultatum
 per præsecessores nostros, ac etiam nos,
 127 vel auctoritate nostra, tam fabricæ
 nostræ basilicæ Principis Apostolorum,
 & ecclesiæ S. Joannis Lateranen. de Urbe,
 ipsiusque ecclesiæ necnon S. Joannis, & S.
 Lazari Hierosolymitani, ac S. Spiritus
 in Saxia, & S. Joannis Lateranen. ac S.
 Jacobi Incurabilium de eadem Urbe, nec-
 non S. Elmi, S. Bovis, ac S. Gothardi, &
 S. Leuguzoni, necnon S. Nicolai, & S.
 Bernardi Montis Ionii, nec non S. Leo-
 nardi, & S. Marthæ necnon Sanctissimi
 Crucifixi Straculan. ac S. Mariæ de Mon-
 te Serrato Hospitalibus, ac etiam Sancti
 Sebastiani prope, & extra muros dictæ Ur-
 bis, necnon Sancti Antonii Vienen. diocæ-
 cesis, & redemptionis captivorum nuper
 Neapoli instituto monasteriis, illorumque,
 ac diversis aliis ecclesiis, Monasteriis, Hos-
 pitalibus, Militiis, confraternitatibus, so-
 cietatibus, & piis locis concessarum multi-
 quæstorum, ex eisdem indulgentiis lucrum
 temporale tantum quærentes nominibus
 fabricæ ecclesiarum, hospitalium, mona-
 steriorum, militiarum, confraternita-
 tum, societatum, & piorum locorum
 prædictorum in diversis civitatibus, &

& diocæsis quæstus facere, confratres
 describere, capellas, & oratoria erigere,
 illisque erectis indulgentias hujusmodi
 communicare, & in diversis gradibus à
 jure prohibitis dispensare, ac plura etiam
 concedere, quàm eis vigore facultatum
 prædictarum licitum sit, ipsique lucro in-
 intenti pecuniasque potius, quàm Christi-
 fidelium salutem quærentes, ac eisdem in-
 dulgentiis sic abutentes, quæstum ex illis
 particularem facere conantur, variosque
 & diversos quæstos, commissarios, pro-
 curatores, receptores, thesaurarios, facto-
 res, nuntios & alios ministros constituere,
 qui non solum prædicta, sed etiam plura
 alia eis nunquam concessa, facere, & con-
 cedere, necnon locorum Ordinarios illo-
 rumque in spiritualibus Vicarios genera-
 les, & officiales, ac ministros ecclesia-
 rumque, & Ordinum, Prælatos, Superio-
 res, & personas quæstas hujusmodi im-
 pedientes censuris ecclesiasticis innodare,
 & alias in pluribus graviter excedentes in
 Divinæ Majestatis offensam suarum, &
 Christiani fidelium animarum perniciem,
 & ordinumque perturbationem & pia-
 rum mentium scandalum præsumunt.
 Nos qui, Deo propitio, gregis domini-
 ci, meritis hæc insufficientibus, curam
 gerimus, & illum spiritualis thesauri elar-
 gitione cupimus ipsi Deo reddere accep-
 tabilem, ex præmissis, & aliis rationabilibus
 causis animum nostrum moventibus fel-
 record. Calisti III. Clementis VII. Pau-
 li III. Julij similiter III. & diversorum
 aliorum Romanorum Pontificum præde-
 cessorum nostrorum vestigiis inheren-
 tes, motu proprio, non ad alicujus no-
 bis super hoc oblatae petitionis instan-
 tiam, sed de mera nostra voluntate & de-
 libe-